



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

PUK EN KAJOI.

PONAPE

1868.



STRECHER

VERLAGER VON P. J. J. VAN DER BEEK, AMSTERDAM.

1868.

KD21281

PUK EN KAJOI.

PONAPE

1868.



CINCINNATI:

ELM STREET PRINTING COMPANY, 176 AND 178 ELM STREET.

1872.

HARVARD COLLEGE LIBRARY
GIFT OF THE
GRADUATE SCHOOL OF EDUCATION

20 May 1929

KD21281



PAT EN PUK UET.

Nan puk uet me ko to *on* Ponape pue komail, men Ponape, en uatauat ok loli, puen kalaute la omail lolokon. Ari tena akai komail pan ale puk uet *jon* uatok, ap kaje la, intinta "Nan I jota kak *on* puk uet." Ari me juit. Mak komail en kaloe ti ejip ranuet, ejip lakop, ejip pari; a kotekoteo karoj pan loti er.

Ari iet me I pan pataki komail tuen omail pan kaloe ti ejip toropua me rairai, o apual. Mak komail en katorore pajon. Iet lepen toropua ko tena komail pan apual aki, kalapatokoj, ari me komail katorore pajon tue ta met, kalap-a-to-koj, nan a pan monai *on* komail. Nan iet pil ejip, jikijikipala, a katorore pajon, jik-i-jik-i-pal-a, nan a pan monai.

Iet kaparok apot. Ol amen me pan *oni* lar ap ekek er eto na ol *iji* men, ki *on* irail kopantuka kop, intai *on* me lap en ale kopantuka o, ka tim pajon. Ol o ap *jon*, ari a jota kak apa. Irail karoj me jona ta o ari, irail lao niki ta, ari a jota kak apa irail. Jam arail ari inta ren lauate pajon, ap ki *on* me lap apot en katim pajon, ol o ari pitipit katim pajon. A pan kin irail karoj, ari irail ari katim pena karuj ia. Jam arail ap intai *on* irail nan iet kajanjal en komail. Ma komail minimini pena uiauia mau jota me

pan kak kapouia jon omail uiaua; ari ma komail liak toror opajon omail uiaua jota pan puai ta.

Ari nan iet kajanjal en omail pan kaloe ti ejip toropua me apual. Ma komail jota katore pajon lepen toropua o, nan komail jota pan kaloe ti, ari komail en katore pajon, ari nan a pan monai on komail.

Iet pil lepen toropua kai komail en jon katore pajon kaloe ti ejip maj, ejip mur.

Janjarauaru

Itiitieki

Lamijiata

Jepejepuepueta

Uikitapajon

Kakirapena

Tanuaraniki

Mpuorakita

Jan jar a uar u

I ti i ti e ki

Lam ij i a ta

Jep e jep uep ue ta

Uik it a pa jon

Ka kir a pen a

Tan uar an i ki

Mpuor a ki ta.

I IRA.

mant	a kai	tor o pua
laut	rai rai	pet e lon
kol	tau tau	maj a puek
pea	net er	li kai lap
kij	on on	jil ep a
ian	pu tak	pop i la
til	pur e	pue ti on



KAJOI EN PEA.

Iet pea men. Nan pea man laut, me kelail, me kin kan ala aramaj. Pa kan kalaimun, o kiki meakon, me rairai, me kelail. Pea me kim mimi jap kapau. Un arail me majul, me rairai. Akai me potopot, akai me tontol. Irail me katak tautau. Ne ar kin u ta, a pa ar kin pei. Ni jounipon kapau re kin ruki la nin por en takai, te tuka, mairi la. Jounipon jilu te paiu re jota kin koko jili, pil jota kin mona.

Aramaj kin kol irail iti ni arail tikitik kamakamona re

lao mant ala. Ari re jota katar ir ala en pen koko jili, re kin jal.

Iet kajoi en pea men me piti lar jon ren jilepa ap tautau ni kaumetikitik eu, uaja ile la kaualap. Aramaj me kaua ta im o majak atar, pan tan ajon; pea ari me kai on irail ki on ir pa, puen ran mau on irail! Jilepa o me katar ato pokit eu pue pea en kora tan loli re ap apie ki ta, i ari kan; a pen tau ti.

Pea lao mant ala a kin katak on aramaj. Nan putak amen nan eu jap me momaiti jili, ap popi la; koko jili, ari man pau kaualap, ap til onon nan teun pea mant amen, pea ari me palo ti i puen karakara ta; a pueti on i uaja lao ran ap katar ala puen momaiti jili. Ari uaja poni er putak o pil pur on nan teun pea o pueti on re a, pea ari ki on i kijin mona me a nikiti on i, kijan me jilepa me ua ton i ninjouaj. Ari ran toto jam en putak o me raparapaki na putak ap tiar ata nan teun pea o, ap pan ki jon, pea ari kan katar ala, makar kaualap pan ol o, pan kepena o ari. Jam a ari me ko la jon maj, o lakop pea lao katar ala putak o puen koko jili, jam a ap tu on kalua uan nan im a.

Nan iet kajoi en pil amen putak me katiarok ota kijin pea amen ap ua uan nan im en jam a kamakamona o ari, pea lao mant ala kaualap, raj on kiti purepure nan im. Putak a lao ko lan nan im en toropua puen patapatak pea o me ian alar. Ari ran toto a ko on nan im en toropua o, iana ki jeri kai motamaton. Ir ari me katak on i; kijikija ki kijan kan arail mona. I ari me purepure on nan im o ran neter. Ari kotekoteo pea lao laute la a tan atai mimi nanauol. A kotekoteo murin jounipar neter jeri ko me ian pea o maj o, lao likailap ala, nai rail jeri kai me it uilian irail iti petelon on nan im en toropua o, ari amen li me it jounpataki irail, a ran eu pea o me puro to, koko jili nan im o, rop kijin mona uaja re ki ti on ia kan arail mona

maj o. Li ari, o jeri ko karoj, me majapueka ta kaualap, tan ajon, tan auan teu rail akan, kaire kin jam arail, o ri arail ol oko; ir ari ko pena pokia la pea o, kajikie ti, kame la. Re ap kilele ti me nan i me re kin uaroki on maj o, re ap puiriamui ki la, jonizon ki.

KAJOJON EU.

1. Jap kajäläl Kot me kot ki on ol amen me pojón i.
2. Eu Jojep a paut.
3. Kanim eu me tou a uiani ki Pol i Panapaj.
4. Monjap me notia ta Jojep Ijip.
5. En Ana a paut.
6. Nain Jekop me lap.
7. Jap en Atam, Ip. Karoj tol eu me joulon karuj ia kin kajompual aki.

II IRA.

Ka mar	Uaon i ap	ka ju ka juk
Lon er	kan a la	Uar i ki tam
na lon	Jau ri a	ar i e jon
kai nin	ka ran ak	ki lel e ti
i nar	me a kot	Tol pel i pel
o ko	uil i an	kau me tik i tik
a ra	kau a lap	pir i pir i uok i
ir a	ti ar a ta	Jom on ka pin i pil



EN MĒN PONAPE LAMALAM ON KAMAR.

Tena ol ria men me uia ta Kamar. Ari at en amen Uarikitam, a at en amen Jomonkapinipil. Ari tena ira ap kajukajuk tol riau pue ira en uia ki ta jap ara. Ari at en tol oko Tolonlona, o Tolpelipel. Ari tena e pepe pajon ata, pue tena kij eu, o kulu amen me pepei nan matau, ari ilok ira ka, ap kapekape pajoni ta kajokajok oko. Ari Jomonkapinipil ap iloki Uarikitam en ko lan inar meakot iloki kapekape pajon ara kajokajok oko. Ari ap ko la tiar ira ta, ap kan ira la; ari ap puro to non ki ti on uaja Kamar u ta ia, pue a karanak ki tar a kan ala manika ko. Ari Jomonkapinipil ap inta amen ion a ko lan inar Uarikitam, ari ap ko ti tu on a uonon nan Uaoniap, ari ap arie jon eu en kij o a titi o nan pon en ni ako, ari ir ap ua lan Jomonkapinipil, ari ap makar ki ta ko ti ain takai on nan auan Uarikitam, o ka ma ki la. Ari tena ap piripiriuoki jili a ari kainin₄ ki la.

Ari tena ol amen ap ko ti jon nalon, ari at a Jauria, ari ua ko ti arin eu, ari tena ap uitin ki ta mon a o, ari tena i uia ta Kamar. Meri.

III IRA.

el i pant
ti kok
ka roj
ma jul
rai rai
to tok
pam pap
ka lai mun

tak e tak e
kat a kat ak
pok o pok on
ka mon e ta
puil i ki ti
kok ol uak
jin ji la
pur o to



KAJOI EN ELIPANT.

Nan elipant me kalaimun jon man karoj, me ile la nap riau; a akai me nap riau pepali. Nan kili me majul, o kokoluak. Tum a me rairai, o imuin tum a tue ta jontin pan aramaj. A kin ale ki tum a kijin kapua tikitik tikok ape. Aramaj kin koli ti elipant kamone ta, katakatak on, re ap pan mant ala; pan pok on aramaj kaualap, o aramaj kin taketake jili, o pil kin katak on aramaj. Elipant karoj kin pokopokon jili. Re kin katak pap. Nan re kin pokon pena ni pillap pampap, o motamaton, moromoron laut. Re kin kan re, o tan tuka; re jota kin kan utuk.

I tuen arail koli ti elipant akai Ejia. Nan uollap uaja elipant kin rok ia; aramaj kin kilele ti uaja re pan kel apena ap uia ki ta kel tuka me re patuki ti, ap ki on ran tuka pira ki pena kilin tuka ape. Jap me re kel apena ari tiki ti lar akai uaja. Aramaj neter, kit ape, pokon pena kapili pena elipant aka, poki aue on nan kel o. Re ap jaunti kijiniai laut uaja neter, rap pik aip, o pon jaui, o likilikiuir jili moromoron kaualap, kapuepueata o ari elipant oko. Aramaj ap poki amen irail, poki aue on uaja ua tikitik. Ari nan ie uaja elipant mant ria men kin mia; ir ari koma me teiu, uokie ki tum ar o ari, i lao loti pa ara. Aramaj ap jalie ti on nin tuka man o, jinji la kamone ki tan paini ape, katak on, a ran naul paiu ape a pan mant ala, a pan alar nil en jilepa itauen aue i, o peiki on, pok on.

Nan men Aprika kin ueira ta por kalaimun, pain aki ti ran tuka ape, o elipant kin popi ti *on* ni por o, re ap kaloe ti.

Monjap en Ejia men me noroka kaulap nain amen ol na elipant, ap poki ren ol o, ol o ari kan ki *on*. Monjap o majani na aramaj kai en ko la ki jon ren ol o, ari ol o na elipant me tan atai, re ap pokia la. Re lao koreni *on*, ol o me kajuk kin ir takai, ari elipant o me pil ian kojokoj oki tum a. Aramaj ap tan aton ol o puen ki jon i na elipant o ari, elipant ap luj auan ir kame ir ala. Ari ol, o na elipant o ap piti la.

Li en Ejia men me na jeri mia kin ko la totok, ap kin puili ki ti ren elipant amen na jeri o; ari man o kin jinjila li o lao puro to.

IV IRA.

lep at
lin an
ka joi
tau ta
tei u
rak i
uait
paip

ka ji ka jik
mon o ron er
ka jik i e ti
luj i ti *on*
tok o ki ti
jik on ti *on*
ton a pen a
por en maj a



LEPAT.

Iet lepat amen. Nan lepat man me linan kaulap, kili monoroner kajalel; a man o me marara; ari me uait, me

kin kan ala aramaj o man ; ari a kin kame la me a pan kan,
o pil me a jota pan kan.

A kin mimi Aprika.

Iet kajoi en aramaj ria men me kin kajikajik jili eu jap,
ira ap tiar ata lepat amen. Ira ap poki kajikie ti, ari a
jota non kaue la. Lepat o ap tau ta lan ni paip. Amen
ira me poki i, man ari ap jope ton ol o, luji ti on, jikon ti
jon pon na oj, raki maj a, o pa kan.

Ol teiu ap ko to ninar, ap luji ti jon pon na oj kajikie ti
lepat o, ari a jota lel. Ari lepat o me kaje la ol en maj o,
luji ti on pon me ko la mur kaue la porenmaj a kan, tere
jon kilin mon a. Ira ton apena ap popi ti jon ni kilin paip,
ari uikitoki ti. Ari ol o me toko ki ti na kapit lepat o,
ari man o me kame la ol o. Ol en maj ari it kajikie ti man
o kame la.

KAJOJON EU.

1. Monjap en Kalili.
2. En Patjipa a paut.
3. Jap me Jutia kin u pa.
4. En Tepit jam a kalap.
5. Kakaon en Akaia men.
6. Li me not en likau uaitata.
7. Ol Jamuel me jam aniki.
8. Kanim me Pol tiki ta ia.
9. Li en uai men me puiok ajon lamalam mau.
10. Joukop me kaire ki Tepit me tip a mia. Karoj,
melimel kalaaimun.

V IRA.

to puk
ka kak
ma jak
uai rok
kol eir
puil i
ta tue
jo mau

pel i an
al ep an
ka jom pual
uan por on
kij i kij a
lu et e lar
ka me a lel e
lik it mal i e la



KAKAK.

Atalina. Main, tatuen I apton patauatok nan puk en Luk, Jijuj jo majani on kitail “En ki on karoj me pokipoki re omail ; o me atia jon omail kapua eter poki re en kapure to.” Tatuen I apton poki jon Mijineri puk eu ari a jota ki on ia ; tatuen Mijineri a jota kin peiki on en Jijuj a majan, pue na kapua neter mia, ari a joto kin ki on me poki re a ; a kin kan aramaj en poki re a kapua.

Opatinia. Tena Jijuj me majani on kitail joulon kitail en ter paroki on me rotorot pelian me juit. Kitail en topuk ki juit me man ; ari kitail en ter noroka kapuan jappa ; kitail en katakatak on aramaj, kijikijai me jomau o me jamama.

Atalina. Ari tatuen jota ai kapua Mijineri ari jota kin kijikijai ia ?

Opatinia. Akai ! Tatuen om me kelail, a pan kak apa om totok puen ale ki om kapua. Nan iet me Mijej Tojej apton pataki to tuen Kot a majani on Pol en intini on nan puk Jarai, Aramaj en ter momot omal, Meamen joto kin totok komail ari en ter kijikija i. Nan Mijineri me kin katak on me joman, o me likailap ala ; a kin ki on irail arail kapua. Tatuen Kot a uanporon karoj, kaitin irail me kijikija men Ponape ? Tatuen arail likitmalie la jap arail, o jou arail nan uai, ko ton Ponape puen kijikija ki men Ponape en Kot a majan ? Re jota ko ki ton Ponape kapuan jappa, kapua kajompual, me uarai me re ko ki to.

A. A tatuen arail kapua me neter ?

O. Ei. Arail kapua me neter pueki joulon en uai me kin pok on irail, ki on irail arail kapua. Ari re jota ki on irail kapua pue re en kijikija mal men Ponape me ponkake. Re ki on irail arail kapua pue re en not oki la kan arail mona, o pain aki on men Ponape arail totok.

A. Ari tatuen ai inoni on puk ari jota ai men ale ki ?

O. Jo om malek te ut ?

A. Jota.

O. Jo om manaj men uia le ?

A. Jota.

O. Ari iet ko pan uia. Ko pan ko lan nan jet jaiki ti om puli kai kajalel, ua lan Mijineri pue nan i alepan puk. I kin kamealele en Mijineri a kajoi, nan puk me kajompual, pue me apual uia ta puk, ari me Mijineri kijikija ki mal kitail puk nan kitail jota pan kajompual aki. Tena kitail men Ponape kaik aja tiak en kijikija mealel aramaj.

A. A ia tiak en kijikija mealel aramaj ?

O. A iet Mijineri me pataki on kitail. Nan kitail en ter kajompual aki atail kapuan jappa, pue jota meakot jappa

me kajompual mealel. Ari me mau atail kapua en mia, kitail ari en porijok totok pue atail kapua en mia, kitail en ter mamal aki atail kapua, jen ter kaje la mal; jen nikinik-it. Kitail ari en kijikija pena,"o kijikija me kin katak on kitail; o me luet elar, me jota kak totok. Ari kitail en ter kijikija mal, jen ter ki on aramaj me kelail me kin majak totok, pue me kitail ki on irail arail kapua nan je pan kapuaia ta arail tanana.' Ari kitail en kijikija ki men Ponape karoj en Kot a majan, pue nan jota arail patak mealel me irail luet eki la. Kitail en porijok pataki irail. O kitail en pil injinoki men uai me rotorot me jeje la Kot. Kitail en porijok rapaki atail koleir puen piki lar uia joun patak, o puk, puen pataki irail Jijuj, pue re te ko ti lan uaja uairok. Ari kitail en ter men ale mal atail kapua, o puk, kitail en porijok totok, orapena alepan puk, o kapuan uai, ap ko ue ren Mijineri akanot oki la atail kapua. Kitail ari en tamanta tuen Pol me pataki men Epijo, me intinie ti on Uiaua en Uanporon XX Ira, lepen toropua 35 "I kauene on komail ier meakan tuen komail en totok puen kijikija me jamama kai, o en tamataman majan en Poet Jijuj ako, tuen a majari Nan kiki ue me kapereni jon ale."

Atalina. Me mau. Iet nai me pan pototon nan jet rapaki puili me pan ale ki puk o.

VI IRA.

pai u	kan ka ru
lim au	ka lep e
par ok	Jol o mon
ke lail	Tim o ti
kon o	A ji net

A ron	Lij te ra
At enj	ka tor e pa
Ji ja	joun pa tak
Ter pi	nai tik a ta
jou kop	Mat a-tai aj
Pi ri a	ka ja jon



KANKARU.

Nar kankaru ria men. Nan kankaru man toror, aramaj kin puiriamui ki la. Ne o pa me jo parok; ne uia eu jon, a pa eu jon. Pa me tikitik o motomot, ari ne me rairai, kalaimun. Jontin pa me limau o jontin ne me paiu, ari eu me imuie ki la kiki me pu, me kelail kaulap. Iki, tapi kalaimun, a imui tikitik. Mon a o uor a me tikitik, o jota non kelail, a kalep a me laut o kelail. Re kin pei ki ne ar o ik ir. Irail me katak luj; re kin lujuluj ko ue. Ma kiti poki ir iti re lao kono ir iti re pan jope to pei on irail re lao mela. Aramaj kin kan utuk en kankaru.

Kan arail mona re, o tan tuka. Li kin naitika ta na jeri ria men ari a et mimi pan ati, a kin nikit loli. Ira lao laute la re kin ko jon loli tanatan jili, ira lao kilon ota meakot me re majak, ira ari tan ato ruki la nan teu ara.

VII IRA.

tai ka	A mer i ka
uor e	mak a ta
ke laj .	nar i ti
ma tan	uir i uir
pin a	i ton lon
nik it	kot i laj
lol i	muaj a muaj an
puel el	por en maj a
kan tau	ij an i ki



TAIKA.

Taika man jal kaulap. A kin kame la aramaj; aramaj kin majak mealel. Nan uor a me rairai, o pa moto-mot, a porenmaj a tue ta kelaj, o maj a me komat kaulap. Nan a kak apa ale ki au a ol amen tanatan aue matan. A kin ruki ti a lao kilon ata man amen ap jaiki ti kan ala. Kilin taika me linan, mai telap, o linalin.

Ran eu aramaj eu Amerika kai me momaiti jili, katau ap mori ti, ari re ap ruki la nan por en takai eu; katau lao mak ata re ap ko to jon nan por o. Ari ni ar koko ue re ap tiar ata taika puelel kai. Ari ni ar ninar taika ko jam arail ko ap par ato; aramaj ap ale takai laut eu pina ki la por o pue taika te kame ir ala; re ap kajiki taika o. Ari amen ir ap ale taika puelel ko kame la, kajal on me laut o.

Ari ni a ninar irail in ar ap par ato, ko to kilon na ko me re me lar. Taika ko karoj ap u ta uiriuir, ko to jikon takai o me pina ti uanim o, pue ren kame la aramaj, ari re jota kak; re ap ko la jon. Ol oko ari ijani ki ar jo uor mia, re ap tan atai, ko ton tonir eu, uia ta eu kantau, ki ue pon pil o, re ap tau la poa. Taika karoj ap poki ir ola, ari amen ira ap luj, ari a jota kaka porio, ap popi ti nan pil o. Ari taika teiu ap pil luj, ari ap kaka porio pue me kelaail, ap koli ti ne en amen ol oko. Ol ari itonlon on nan kapetin taika o na kotilaj, taiki o ap mela, re ap tan apena on kaja ti on nan pil o.

VIII IRA. ~

Li kej
ka par
mok it
lo kai a
ap i e ta
uar a uar
lim pa jon
luk a pa
put en lon

La pon a
Pul i tak
Lej i tak
Uon a lap
Len ka jam e
Me tal a nim
Pan li kej
Pon ma lik ap
Pan ka tir a



KAJOI EN LAPONA.

Nan ol amen mia me at aniki Lapona. I putak ria men; amen me at aniki Pulitak, a amen at aniki Lejitak. Ari irail ap mimi nan jap alap, o inau ki ta irail en ko ie ton Takaieu. Ari Lapona ap intai on Pulitak, i Lejitak en kajoko tol, o a nok koko tau en Letau o. Ari ap uia koko tau, o ko lan ap japueli ta en putak ko mi er pan putenlon o, ap katuau ki ta ara o, a matan mon ao. Ari i ap ale pali en japat apali, kate ki nan lukapan tol o, ap lim pajon uia ta me Uonalap. Ari tena irail me pil pura lan nan japalap o. Ari tol riau me mimi nan nana me at aniki Likej, o Tollap. Ari Lapona ap ko la uia lili Likej, a kapar apot ap par ato jon nan Jokela, tu on i, ap lipok opajon a lili o pan ki kapar o, a kapar o ap monti jon jakarial re a, ap intai on kapar o en piki la takai, ari irail ap piki la uia takai la irok oue nani al. Ari putak ko ap ko la likilikakirij pon uarauar apot me at aniki Panlikej, a Lapona papil par alan re ra intai on irail en likilikarij.

Ari putak ko ap intai on en ko la, a ira ap kai pajon, mo a, ap mot nan pon ara, a ira ap imui pajon ari irail ap kaja ki ti uan nan uaruar o putak ko ap pitipit luji jon re a. Lapona ap kiri ti la nan le eu me at aniki Lenkajame, ari putak ko ap kaje on takai kama ki la. Ari re ap pil pokon pena karoj aton Metalanime pue ren jali koman tol o, pue i me mimi impan tapi o. Ari re ap pokon pena, ari akai mi pon nana eu me at aniki Ponmalikap, a akai mi nan jet o, ari re ap apie ta puen ko ie on nan Uei a puen tole la Pankatira. Ari ol amen me mimi Kapina me at aniki Lejioke me lokaia on komon tol o, intata, "Ko pan kolaia mo paupau mal?" Ari tol o ap toni ti, jola te man mokitikiti ta.

Opatinia.

IX IRA.

ueir	Po kiu pain
un a	kok ol uak
ko mat	me a kon
lau a lu	ual i puk i
ka ji ron	pok a pok a
mai ri la	ka pur i am ui

POKIUPAIN.

Nan pokiupain man me kin kapuiriamui aramaj. Unan mon a o uor a me tue ta un en kat; ari unan uar a me kokuak, meakon, tue ta tin jai. Man o lao majak, te makar, nan a kin kajiron un a o pil nuralon on loli.

Ari a jota kak pan aramaj te man en toke. Kiti ape lao pei on nan un a me kin ka me la irail.

N ran a kin ruki la nin teu i, mairi la; a nipoa a kin koko jili rapaki kan a mona, nan tuka, tan tuka ape.

X IRA.

Ual roj	ka lai mun
tou tou	man i le
al ij	i ne non
ua uai	u pal i e ki

UALROJ.

Iet ualroj amen, men nan jet. Man me kalaimun, ari ne kan me motomot, o jontin ne me kin pat apena tue ta jontin puik. Mon a me tikitik o ponopon. Jalon a me tikitik. Me katak inenon. E alij mia, me kokoluak, pin-

ipin. Nan ni riau me mimi likin au a; ni rairai o kalai-mun; aramaj kin kajompual aki men uia manilen kapit ape.

Nan ualroj me kin pokopokon jili nani pil, o pil ni oror. Re kin uauai jili nani puel pue re me toutou, ari me matan nan jet. Aramaj kin jaik irail iti puen ale ni arail, o pil arail, me autepan lamp, o kili rail. Re kin jaiki ti me uali puki, te kit ni ran taiu. Re ueir irail iti.

Nan ualroj jota kin laualu on aramaj, ari ma aramaj pei on irail re kin komat kaulap, pil pei on irail, kolo ki ti ni rail pot, kaue la.

Re kin kan manika.

Re kin pokapoka pena. Li me kin pok on mealel nair, upalie kin irail, pei on me pan tok irail iti.

XI IRA.

Rop at
Tom aj
An
At i
Ju jan
Et i
Pan aol

Uil i am
A let a
I lij a pet
Al e pet
Pal i kir
Pon a pe
Ta kai eu



KIJILIKAU EN KAIR.

PONAPE NOP. 28, 1865.

RI AI KA,

Iet kijilikau me I katar auan komail ri ai ol oka Ropat, o Tomaj, o Uiliam; o pil ri ai li ka Ilija-pet, o An, o Aleta, o Ati, puen kaire kin komail tuen at loleit ekin komail, o pil tuen at uiauaia. Iet kit me kin pok on komail mealel. Je kin loleit ekin komail napon niran. Je men pur auan komail, ari at totok on Ani Lapalap Ponape kaik anik.

Ari iet kit me peren eki ta mealel papaut eu me Kot ap kainon oton kit Mijta Ton, o a paut Mijej Ton, o Juli pil peren eki ta naira putak Eti. Iet kit karoj me apton pur ato jon at pitaki jili Ponape; tuen at koko jili me I men kaire kin komail.

Nan kit me take uar ria pot. Mijta Ton, a paut o Eti me ian ala at jounkoa men, Jakaraiaj; pue i, o a paut Ilijapet me katak on iaril, ki on irail teu ara pon uar ara, o ari. A Alepet, nai o Juli, me take apot uar; joulon kai me itan kit aue. Ari ran en Monti je ko to jon Tukenijou, ko lan Palikir monti ren monjap amen Lap en Palikir pon ria pon.

Nan tanipaj en monjap o me apton uiauaia ta; tanipaj kajalel; a ie tanipaj me ijimaj er. Aramaj neter me pokon pena uia kamatip en Kot, kamatip mealel; o pil mot on patak. Mijta Ton, Alepet, me pataki irail, irail ari inoni on mealel, a Mijej Ton, nai, me pataki irail puk o kaul. Irail me katak on kit kaualap, kit ari peren eki ta at mimi re irail. A ran en Uenjti je ko lan Tolinier tu on joulon o joun kapakap neter; je ap ian irail kautok, ap ko la ren Lompai en Ilu pueti. Nan ie ol me katak on kit; i a paut kit ari kin inoni on pueti on nan im ara pueki makolokol

otar, a jota tue ta im en Ponape tipitip, a kin raj on im en uai. Jona ta kit me ko lan Kamar. Nan ie jap me ton jon jet, a Mijej Ton, nai, me jota kak aue; ari irail me uia ki ta kiam riau tan paini, a kit me uenti on loli, re ap ra ua kin kit alan nan jap. Ari nan Kamar jap me je kajalel eki; jap ile la, o an atik. A mimi pon paip, a uao lol eu mimi pa, a pillap apot kin korokor one ia. Kit ari kapokone pena joulon o jounkapakap karoj puen mot on patak, irail ari inoni on; kit ari kajalel eki nan lamalam juit me tikitiki lar re irail, o lamalam mau puai tar. Jona ta kit ko lan nin toka kai, Lona, o Parem, ari je pil pueti on Parem. Jona ta ko lan Jokoitj jonjonti ia. Men Jokoitj ari pil inoni on patak. Arail monjap, Uajai en Jokoitj, me kin kaon irail, I ari o ion a karoj me joun kapakap er. Ran en Monti je ko lan Panaol kautok ia, o pueti; jona ta ko lan Aru. Ie jap en Uajai en Metalanim, monjap me I kaire kin komail maj o, me uikitoki lar ni jounipar teiu, mmaren nalon Ejikaia. O ion a neter pil joulon olar. Nan tanipaj en Ejikaia, im kajalel me ijimaj er. Monjap majani nan a mairon ki tan Kot tanipaj a; ari a men ion a karoj en petelon on loli puen patak. Ari lamalam pot et me torora jon lamalam en kailanaio, pue me jaraui aramaj amal petelon on tanipaj en joupeti. Nan Ejikai me torora jon monjap en Ponape karoj, pue a jota kin kajompual aki lamalam en Ponape, uiauia en Ponape; a kin men kaje la lamalam me jota inen pue a men puili jon Jijuj a lamalam.

Nan kit me pueti on ren Ejikaia pon ria pon, jona ta jip Oua. Ari toun Oua karoj pokon apena kautok; a papaut riau me pil kainen er.

A jona ta kit jip Tolopail uia kautok; ap ko lan Jalon, uaja Toketa kaujon ia maj o. Je pueti on nan naj eu. Ari Jojep i Meri, me katak on kit. Jekop ari pil jankonai ki ton kit aion pot eu. A men Takaieu pil pokon to, kit ari

uia kautok mealel ap puro ton teu at Tukenijon, kapakapina ki kaualap en Kot a kot en perapera jon kit juit kan, kaula jili, o kapure on kit ni teu at.

Ari kit pil kapina ki mealel en Kot a kot en uikita lar Ponape. Pue komail en kin taman ta me I pataki on komail maj o, tuen at koko jili ari jota man meamen me kalamoi kit, o inoni on at patak. Aramaj karoj me ruki jon kit. Ari tatuen met, irail karuj ia inoni on patapatak, o pil katak on kit, kaualap. Iet kit me kamealele nan Kot me uia men Ponape, pueki irail me toror kaualap ajon maj o.

Ari iet me kit kin jonijon ki, nan joulon kai o joun kapakap me kaik mau lar kaualap, pueki luan lamalam juit me pil kelail nan kupur arail. Pue akai kin makar amal, pijirok, o lipanet, o jota inoni on patak, o totok on Jijuj. Ari irail me jonijon lol oki tip arail, ie me kit kin peren eki ta.

Ari pil akai joulon me kin kaujon nan naj, o nan im jakanakan nani puel, tontolo ki puik, kiti ape; a komail kin aja nan a jota kak apa rail lamalam ata lan nalon jon nani puel. Ma irail tolo ki puik ape, nan arail lamalam pan raj on lamalam en man.

Ari iet, je men komail en pot en kapakap aki men Ponape karoj, pue Kot en kupura maui joulon, joun kapakap, en katinai irail ata, puen kak apa irail kaje la arail me juit karoj, it uia lamalam en Jijuj; o pil kot en kainoni ton kit me rotorot okan, re en apuali Kot, Ami mealel.

Ari kit me pan porijok pataki on irail en Kot a majan, pue komail kin aja tuen Jijuj me majani. "Nan ai patak me pan kamaui me tuki on ia."

ri omail nai

Jujan Meri.

XII-IRA.

Lon ton
jou maj
lai on
kap in
mur i
teu i
Eji a
jaik i ti

ka mon a
ka ron a
ka mij ik
pin i pin
ter a pa jon
kot e kot e o
uar ok i on
ua uar ok i ji li
ka mot a pen a



LAION.

Nan laion man kalaimun, o kelail kaulap, joumaj meal-el. Laion me mimi Ejia o Aprika. A kin mimi nan teu i niran, o nipon a kin koko jili rapaki kan a mona. A lao tiar ata amen man a kin ruki mo a jaiki ti, kan ala. Nan kiki meakon kaulap; a kin ter apajon kau ol kalaimun. Ma a pikir iki pa monan ol nan a pan kamota pena Nil en laion me laut; a lao uiriuri jili man karoj kin majak, tan ajon, ruki la.

Nan pit en mon a me onon, o majul.

Laion kin kan ala aramaj, ari aramaj kin rapaki me puel-el, kamona, katak on re lao mant ala tue kiti.

Maj ol en Lonton men me momaiti jili nanauol, ari ap karona meakot uiriur, ap ko lan kilon, tiar ata laion amen o kamijik amen me pinipin ni uor a. Ol o ari kame la kamijik o. Laion ap pok on ol o pueki a kapit ala jon a pan mela, ap uaroki on i, ian jili uaja karoj. Ari ol o men ko

on Lonton, ari a men ua na laion, kapin ari kan, pue a majak. Ol o ap puili ki ti. Ari jop o lao ko lan nan matau laion o ap luji ti on nan jet pap ala muri, ari a jota kaka jop o, ap kiri ti la mela.

Nan laion mant amen me mimi Lonton me kin mauki kiti amen, ira kin uauaroki jili uajak aroj. Ari kotekoteo laion me naitik, re ap ki la jon kiti o, pue laion te kame la. Ari ran eu kiti o ap pil petelon ren laion o, laion o ap luji uan pan kame la, ari ap taman ta tuen ar kin pok apena, ap ki la jon nan teu i o, jota kame la.

XIII IRA.

oj
njar
tak e
kai nen
uait
lao
A ron
Pi ta

Je mej
jou lon
Joj ua
pain uot
mok on ai ti
Tej a lon ika
ek ria men
uit i uit i ji li



Oj.

Nan oj man lolokon, me kin peiki on aramaj. Re kin pokopokon jili jap akai, me uono puki ape, me kin uia pokon eu. Aramaj ari kin ko ue njar irail iti, kamanta la, ap taketake irail jili, o pil jalie ti on ni uar en nan jap me aramaj kin take, pue ren ura ki ue. Re kin matan aue. Aramaj kin ki on ni au arail kijin mata me jal kin pit puen kainen irail aue pue irail en ter uituiti jili.

Aramaj kin mauki kaulap oj, o re pil pok on aramaj, peiki on me kin katak on ir. Re kin pok on jilepa rail, kin aja nil arail, itanen aue, tue ta kiti. Ari me uait on ir, re kin pil uia juiti on.

✧ Maj o ol amen mia me kapuapua, me na oj kajalel. Ran eu ol o me take na oj, jaijai uan uaja tou ap mona, o kamona na oj, ap jaijai ue, jaijai ue, oj lao poni tar kaulap, a pan ma ki la a poni tar. A kotekoteo, lakop ape, ol o me ko lan uaja na oj mia oj ari luji tan i, pan kame la, ol amen ari toro jon.

XIV IRA.

Jaum
ir en
jau i
nai tik
pel o
Au ak

Ijo kol o kol
Nan j p ue
Jau te leur
ka po uie ti
ker ek en uar
Tin ja pan a



KAJOI EN IJOKOLOKOL.

Nan iet tapin kajoi. Ol amen me at aniki Limajmone-roner me uia ta Jaum. Ari Nanjapue me tanuar aniki Jaum. Ari Jauteleur me tar, ap kitue ti, ap tama jon poue, ap tikora ta nan Nanjapue, ari ap koti la pon jai, a jai me kiri la, ap koti la pon tak, ap tiki lan Katau. Ari ap peitok "Paj jo jeri mi re om?" A japon me jo, pueki a likailap ala. Ari ap patika lan paren, ari mujirer, ap li-jeian, uia ta Ijokolokol. A lao naitik rap pil pala ti uar me re pan take ko ton Ponape.

Jaum me auramen me pelon Ijokolokol pan kapouie ti Ponape. Ari Jauteleur me kalikoma Jaum me a men mona, ir ari ki on manaj kai, i ari ua ta ko ti kaje la uia ta Leliarin. Ari ap ko la Jalapuk uia ta jalat apot puen kainone to Ijokolokol, i ari ap koko to pon matau. Ari kulu men me matan kaire ki Joulik en Ant, ari i me ko to pil mimi Kepara. Ari i ari ko ton Kiti ap katar ata Joulik en Ant en ko tan aja iren Kiti, ari Jou Kiti me ki on lep en lili, i ari japon, ap pitipit mela.

Ijokolokol ari koko ta to likin Palikir, ap pil ko to likin Jokoi, Ari iet at en ol amen me at aniki Jokutu me ua ie on pelon Ijokolokol kainimar eu. Ari men Not me pok uar ap pokia la Ijokolokol, ari ir pil pur on kamair ir ala. Ari ol amen me piti to jon mimi Ekeketo puen liki-uiri on in a. Ari Nanijopau me uiaua uitini on Ijokolokol, ari ir me majak men Auak pue tena aramaj me toto. Ari Tauk eta me ko la U, pil uia uitini on irail, ari ir ari majak men U. A ol amen me jota majak pelon Ijokolokol i me porian irail la kate jon kerek en uar arail, ari ol o me at aniki Tinjapana. Ari Ijokolokol me itok "Ij koue?". Ari Tinjapana japon "Nai." "Ari monti on me-nen, pue kon kono to mom en ai pon." Ari ir pil koko la pan Katira ap uiaua pon Kelepol.'

Ari Nanparatak i Jokompul me omiom, ari ira me peia-
itiki pena, ari Nanparatak me paie ti Jokompul. Ari irail
me pei ta ari Ijokolokol me *tan*. A ol amen me itauen to
Ijokolokol me at aniki Nanajo me paro to kajain Ijokolo-
kol a *tan*, ari i me inta "Innatiparok apue je kin pa *jon*
maninkaipa." Ari i me ilaua ki ti ne katiu. Ari Nanja-
ja me kapapir *on* pa likom ata Nanjapue. Ari Janteleur o
ion a karoj me *tan* ala nan Japalap ururamau ta o mela o
ari.

Tepit.

XV IRA.

pir
i kel
muet
tol un
ko mol

mot a uel
pet e lon
kor en i
pur a uan
lik i uir i on



IKEL.

Man pir me laut ajon man pir karoj me at aniki ikel.
Nan ikel me kin piri ta la kai la ta *jon* man pir karoj. A
kin uia ta paj a pon paip, o nin tuka kalaimun, paj laut,
me kelail, me uia ki ta ran tuka, o alek, re. A kin jaiki ti
kan a mona tikitik en jip, o kijin man karoj, o mam; o
akai kin jaiki ti jeri puelel.

Nan ol amen mi Iurop, mi nan a motauel totok, a na me par riau tau a, me ko to jon nan im, uet nani al puen ko la ren jam a, ikel amen ap jaiki ti i, ua ta la ren na, nan paj a. Jam en jeri o, o in a, me itauen aue, moromoron on man, puen kamajapueki, ari re jota kak lel auan paj a, pue uaja apual. Ari tena ikel kai me kan-ala jeri o.

Nan aramaj akai me kajikajiki jili, ikel amen ap piri ti jaiki ti nai rail kiti men. Kiti o ap pei on man, i ap katar ala.

Nan kijin putak ria men me koko jili nan motauel en pilaua eu; nan ikel kalaimun me jon jaiki ti amen. Putak o ap ale kapit rairai, kapit en tolun uan pilaua kama ki la.

Nan ol amen me kajikie ti ikel amen, ari a jota lel kau-alap, ikel ari popi ti, ol o me koli ti, ua nan im a, kamakamona o ari, man o lao mant ala. A kin piripiri jili, ap puro ton ol o. A kin mimi liman uanim en im, aramaj lao pan petelonon nan im o, me a mi nan likau kajalel, nan ikel o pan muet on i en petelon, ari me a mi nan likau jakanakan nan a pan koli ti i, pei on, pue a te petelon.

A kin ko ue rapaki kan a mona, jaiki ti man pir me kalaimun jon jioek, kan ala me neter, tena ek ape, ari jolar mona. Ari kotekoteo murin ran iju ape pil ko ue jaiki ti, kan ala man neter.

Nan ikel amen me kin uia paj a nin tuka pot kalaimun, nin motauel en pilaua eu. A ran eu ikel o kin pir auan nan jet jaiki ti mam men kalaimun, puro ton motauel o, puen kijikija ki mam o na kan. Ari aramaj akai me ututial ikel o ni a koreni paj a, kin kate i, o likiurion, moromoron on; man o ap kaje ti mam o, irail ap ale. Ikel o ap pur auan nan jet pil lait, jaiki ti pil amen mam, puro ton paj a; aramaj ari pil moromoron on, ap pil kaje ti mam o, aramaj pil ale. Ikel o me poni tar kaualap, ap monti on paj a puen komol maj, ap pil pura lan nan jet, lao ua-

rai la ap jaiki ti pil amen mam pura lan paj a. Ari lao koreni on ap kapakapili jili paj a, majamajan me aramaj amia te jo, tiar ata nan jota, ap lel auan paj a kamona ki mam na ko.

Mak kitail en raj on ikel o. Kitail men uia meakot mau, ari jota puai tar maj, kitail en pil pur on jon uia, atail uia lao puai tar.

Ikel me kin me maur uarai. Akai kin lel par 100.

XVI IRA.

Pe ranj
Jai na
on on
tok a
por on
kar ju it
pir i on

pot o pot
puel i tan
li pil i pil
ki lin uai
i re ron
me ta men
jon o jon pa jon



ARAMAJ.

Nan aramaj me jonojon apajon nan jon limau. 1 Me Pot-

opot, men Lonton men Amerika, Men Peranj ape, 2 Me Onon, men Jaina ape, 3 Me mur Tontol, toun toka kai, men Ponape ape, 4 Me Uaitata, puelitan Amerika, 5 Me Tontol, men Aprika. Nan irail karoj me katautokan papaut eu Atam i Ip. Tena arail mi uaja toror apajon, o uiaua toror me kare ta arail toror apajon.

Akai kin mi jap karakar, o uet pan katipin, o kaujon nan im jakanakan, o kan arail mona me jota mau, re kin kan mam uet ape, nan irail pan tontol, o me kar juit, o pil lolopon. O me mi uaja me jota non karakar, o kanaion im arail, o kan arail mona, o arail uiaua karoj, nan irail pan potopot olar, o lolokon.

Ari kitail en kamealele nan kitail toun jappa karuj ia me pirion eu, pue jam atail metamen Kot. Kitail ari en pokapoka pena. Kitail en ter kailok ki me kar uaj, o me kilin uai lar, o poponmajo ki atail kar mau, o uar atail pil mau. Pue nan Kot jota pan kupura me liki rail kajalel, o kot en kailok ki me liki juit; nan a kin kot en ireron nan kupuran aramaj, ari a pan kot en kupura mau karuj ia me kupur arail me kolokole tar. Pue tatuen Kot a kot en majani nan Paipel, "Kot jota kin lipilipil aramaj; A jap karoj meamen majak i, o uiaua meapon nan i me konokon re a." Uiaua en Uanporon ako 1 Ira, 35.

XVII IRA.

mu roi
O ai a
je rok
ka ti u
tou jon
ij ik
pok it

a tin i ai
mel i mel
pir a ue
ki jil i kau
ka jok a jok
mop ui la
lap ua ta



MUROI.

Nan muroi en uai me kin raj on muroi en Ponape me ui, me iau, me kajalel.

Iet kajoi en arail pokopokon Oaio, jap eu kijan Amerika me Mijta Tojej tapi jon ia. Aramaj amen me ian utial arail pokon me intinie ti tuen aramaj me pokon ton maj uaja o, ua aion pot kai, me kijin uin? me kin kare ta atiniaia me ijik loli; o akai pil ua jer kalaimun, o kajik, o katiu. Katipin lao kiri ti la irail ron er moromoron laut, tue ta melimel nan jerok en jop ka, a muroi neteren ia me juki ti pon tuka kan. Aramaj me ijik jer, ap puriamui ki la me re utial. Muroi kit, kit, kit, koko la mi uaja o. Nan re kajokajoka ta nin tuka kan tue ta pokit laut nin jop. Aramaj ari me kama ki la arail katiu, o kajik, o akai me mopui ki la atiniaia, aramaj karoj me ua jon me re mau ki, ari uaja lao ran me kak aue me pir eue, ari aramaj ria men ap lapua ta naira puik ria puki puen kan ala me lua.

Ma muroi uijiki lan uaja tou jon jap arail, ap lapua ta nan re pan pura lan jap arail. Ol amen me ua muroi mant

men uan jap me tou jon jap ue mail ria puki, ap intin auan
ri a kijilikau kij jalie ti on nin tapin uaran muroi o, katar
ala, ari kelok uonu muroi o me lel auan jap ue.

XVIII IRA.

jai rap

Li a

Jai kem

Ol ip

au i

i le la

ka luj i am

kaon op a ta

ka pit a jon

Konj tan ti no pel

JAIRAP.

Man amen me ile la jon man karoj me at anaki jairap.
Ma ol en Ponape men tau pon monan amen ol, o pil amen
ol tau pon monan me teiu, nan i me pan raj on jairap. Ki-
lin man o me monoroner, me linan, a porenmaj a me kajalel.
A kin kan tan tuka, o kijin ran tuka, a jota kin kan utuk
en man, te aramaj. Aramaj me kin kamanta la irail, re ap
pok on aramaj me kin katak on irail.

Nan jairap mant amen me koko jili nan kanim eu me at
anaki Konjtautinopel, li kai ari me katak on i, ki on kijin
mona; a man o lao momaiti jili, a kin tau li im neter, aui
impan im en me kijakija i, letelet eki tum a pan uanim, li
kai lao par ata.

XIX IRA.

Jej i

le ek

pan ta

ja tak

puai ta

naul

ki li jou

Pap i lon

Jal a puk

Pon in i on

mer i a ta

au ai i er

tok e le ek

ka kop a kop

KAJOI EN LEEK.

Leek lapalap eu me ko ta maj. Ari ol amen mia me at aniki Poninion; i me kilele ta leek a pan ko ta, ari ap ko to jon Jalapuk mi pon nana, nar ata leek, ap ko ton Joke-la kaire ki aramaj karoj re en jekejeke ti im karoj, pue moi pan ola. Ari aramaj jota tuki on. Ari katau me moro-mor ran naul ualu, o pon naul uali pon, puen kakopakopa ta puel, a kijinian ap mamaiero to ran paiu, o pon pa pon. Ari nil eu me lokalokaia nan kijinian me re majak ata. Ari leek en panta me uiauia maj, mon katau o kijinian; rak paiu me jota puai ta; aramaj neter mela. Ari kijinian me kaue la tuka karoj, o lima ta jon re, a puel ap kilijou ta. Ari tena aramaj karoj me puepue ta, re jota pokapoka pena, pue akai rapaki kan a uan tuka, akai ari kin atia jon, kame la. Ari tokeleek me kame ir ala, akai kin kame la akai. O ar kan mai pulupul; pue mai ka kin pota ta meria ta, auai ier; ari re ap kan, re ap ma ki la. Ari jatak apot me lua ti tuka karoj, a mi Jokela, ari kijinian ap pil puro to karau ki la. Rejel.

XX IRA.

mon ki	ka ji nen ta
uit in	ka ji kar
man aj	op ui nok
ol ol	tau ri ti
kau rur	ki el a jon
li jon o po	ki tau e ta

MONKI.

Nan monki me mom en aramaj. Irail me jon neter. Eu jon me at aniki ep, me kin kajinen ta alu tue aramaj.

Irail me kalaimun, me kelail, me komat. Re kin pokopokon, o pei *on* aramaj te kiti ape, me kin poki irail aue. Re jota kin majak meakot, kajik eta me re kin *tan* ajon.

Aprika jap ep me kin rok ia. Iet *uitin* eu men Aprika kin uia puen koli ti irail. Ol amen me kin ki *on* pil nan tal eu puili ki ti pan tukak ai me ep kin tau ta ia, ap opuinok, ap kiel ajon tal o pil o, ki *on* eu pil me tolo ki aij en uai, me kin kapat apena maj en aramaj. ap ko la *jon*. Ep akai me kin tani ti *jon* nin tuka, ale *jon* ol o opuinok, ap mairi pena, jola kak pat apajon maj arail; aramaj ari poki irail la, koli ti, pue re jo uar *nar* uaja. Re ap noti ki la nin jop, itan lan Amerika, Lonton ape, pue aramaj en ututial.

Men Intia kin men ep en totok *on* ir, re ap tauri ti manaj, ari ua ter apena, ko la *jon*; ari ep ako pil paroki *on* aramaj tauri ti manaj ua ter apena, a lao *neter* aramaj ko to ua la *jon*.

Nan ep mant amen mimi ren jounpatak amen Lonton. Ran en jonti eu jounpatak o ko lan nan im jaraui u tan pataki aramaj, a jeje la me na ep itauen to i. Ep ari me *tan* ata lan uaja ile la, pon joun ol o, ale *jon* en ol o a olol *on* pokon o. Ari pokon o me kaurur aki kaulap en ep a uiauia, jounpatak ari me jeje la me re kaurur aki, ap makar pa arail, kitaue ta irail, arail mamal aki ran jaraui, o tanipaj jaraui, o patak en Kot; ap kalaute la a olol *on* irail; ep ari pil ale *jon* o kalaute a olol, me jilepan uanim lao ko la koli ti, kalua la *jon*.

Akai *jon* en monki me tikitik, me matan, me katak tau ta nin tuka o uaja ile la. Re kin ale *jon* aramaj uia ta me re ututi al aramaj uia ta. Nan ol amen me kin momaiti jili Intia, jap eu me monki kin rok ia, ap poni tar, uenti mairi la; ari a karuk en lijorop uaitata me a kin ua, mi mp a, ari ol o pil lijoropa ta eu. A ni a me mair puin monki

kai kin ko to utial a uonon, mairi la, ap ki jon na lijorop karoj, pen lijoropa ta, *tan* ajon. Ol o lao piri ta nan jolar a lijorop oko, ap puiriamui ki la, rapaki jili, tiara ta monki neter nin tuka me lijoropa ta na lijorop karoj. Ol o ap rik takai kajuk ir, pue ren kaje ti lijorop oko, a irail *kan* katar ala. Re kin lujiluji jili nin tuka kai, lallal jili, ponmajoj ki nan arail lijorop kajalel mia. Ol o ap makara ta kaualap, ki jon na lijorop, kaje ti *on* nani puel intin ta "Nan iet eu, komail en pil ale." Monki akan ututial en ol a uiauia, ap ale jon, ki jon arail lijorop karuj ia, kaje ti *on* nani puel. Ol o ap ale, ko ue peren eki ta.

Nan monki me kin raj *on* man karoj, pue jota kijan Kot mi re rail. Nan kitail me toror pue kijan Kot mi re at. Kitail ari en kapakapina Kot, o kanai *on* atail uiauia karoj, pue en mau jon uiauia en man akan.

XXI IRA.

jerpent	ka mij ik
mok it	ke pen a
ke lok	men i ran
i tan	lim ua lim ua tok
Pai ton	ka ta le la

JERPENT.

Nan eu man me kin mimi nan uai a jota kin mi Ponape me at aniki jerkpent. Uar a me tue ta uaran kamijik, jota pa o ne; ari a kin limualimuatok aue. A kin mi nan jap; a kin ruki la nan re, o pan tuka, o *kan* ala man tik, kitik ape. Akai jerkpent me laut kaualap, me kin *kan* kau ape.

Nan jerkpent me rok Amerika, o Aprika, o Intia. Me neter jota kin ke pena aramaj; ari akai me kin ke pena aramaj, aramaj ari kin ma ki la ar ke pena.

Akai me tikitik me raj *on* meniran me kin mi Intia; re lao ke pena aramaj nan re pan pitipit ma ki la.

Li amen, en Mijineri men a paut, me ian pokon jarau, a na jeri puelel me mairi la, li o ap puili ki ti na jeri pon loj eu. Ari kotekote o nan a nar ata kijin jerpent amen limua-limuatok alan jeri o. Li o jota man mokiti *on*, ap limuatok aue, jota ke pena jeri o; ma li o toka jeri o, kamokita ta puen ki jon man o, nan a pan ke pena jeri o, jeri o ari pan matan ma ki la.

Eu jon en jerpent laut me kin rok Amerika Air me at aniki paiton. Nan a jota kin ke pena meakot, ari a kin pina pena ta, o katon ipena ta me a pan nom. A kin limuatok ata la nin tuka, luji ti *on* me kin mi pa, pinapin apena, ton er pena ta, ari irij apena katale la.

Nan aramaj me kin jaiki ti paiton amen Intia ap ki *on* nin jop pot, nin teu i, puen uijik auan Lonton pue aramaj en ututial; a iet tuen a mona ni a mi nin jop.

A kin jalikoko pena onon nin teu i, a Kapin me ki *on* i kot amen puen kan. A kot o me majak atar ap men pei *on* paiton o. Paiton ari jota kin mokiti *on*; ari kotekoteo a kin kajinen ta, ki ue lou a, luji ti *on* pon kot o, pinapin apena, irij apena a lao mela, ap lauataka jon; ap kin tamatamuar kaualap monan kot, ap katale la a lao lel jalon a rairai kokoluak. A kotekoteo a lao jon kaualap a pil katale la jalon a, o uar a karuj.

Nan kelok riau apor, arai en a katale la kot o, a a pil pur *on* pil jalikoko pena uonon mairi la, a murin uik jilu te paiu, a kin piri ta, men mone ta. Kapin ari pil ki *on* i kot amen. A lao lel Lonton kapin o me noti ki lan paiton o aramaj me kin ki pena man neter, itani jili pue aramaj en ututial. Aramaj neter me kin pokon apena ap ki *on* jilepa man ako moni, pain en ar ko *on* nan im ututial.

Arai en paiton rairai me raj *on* nap iju te ualu, a aramaj o man me kin majak kaualap.

XXII IRA.

Na lik
 Tai toj
 Jai laj
 Jou lik
 ka mam

ka raj ai on
 ka me a lel e
 ka ti a rok a ta
 lip an et e ki
 ja kar a ki tan



KAKAK.

Jouajamau Nalik.

Jouaj kajalel Main Joulik.

Joulik. Tatuen Mijineri me apton pataki kitail? Kaueue on ia pue I kaik tete ki.

Nalik. A jo pataki kitail tuen Mijineri en maj ria men Pol, i Jailaj, ara ko lan kanim eu at aniki Pilipai pataki aramaj. Monjap ari mijuiti ki ara patak, jal ira ti, uoki, ki lan nan im en jal.

A kotekoteo nipon ira me uia kapakap, o kakauli on Kot, a jap o me rerrer eta, a "kojok en imaton ron ki ti: uanim aka ap matan riti ta, o ar jal karoj lapua jon. A jilepan imaton o piri ta jon a mair, nar uanim ako riti tar, i ap nap aki ta a kotilaj o a pan pen kame la i, kiki ta me ton imaton ko piti lar. A Pol likiuori ta inta "Kom ter komai uk, pue iet kit karoj." I ap itok lamp eu, o tan ato petelon on rerrer, o tairuki ti jon Pol o Jailaj, O ua to ira jon, inta ta, "Main ka, ta me I en uia ta puen me maur aki ta?" Uiauia en Uanporon ako xvi. 26-30.

J. Ei, ie kajoi me I ueue ki, ari kaueuen kajoi me I kaik tete ki.

N. Tatuen jilepan imaton peitok ren Pol i Jailaj, "Main ko, ta me I en uia ta puen me maur aki ta?" Tena a maur en nen i me ol o non ki. Tena a jota injino ki uar a me a pan komokom olar te jo. Nen Jarai me kajanjale on i tip a, i me a laualo ki tar, pue a aje tar me tip a kaik lapua ta nan a pan ko ti lan uaja uairok, ria ki la tip a. I me ol o peitok ki ren Mijineri ka, Ta me I en uia puen maur aki ta? A men maur aki ta jon a pan komokom murin mela.

J. Mijineri jo karajai on kitail ol o?

N. Ei. Mijineri me inta nan kitail karuj ia me raj on ol o, pue tip atail mia. Ari me tip atail mimia ta, nan kitail pan ko ti lan uaja uairok, puen komokon ola uaja o.

J. Ari ta me kitail pan uia pue tip atail en lapua ta?

N. I me Mijineri kauue on kitail. Nan kitail me pan injino ki tip atail, jakara ki tan Jijuj tip atail karoj, pue Jijuj en ira ue jon, I me Pol pataki on ol o, "En kamealele Poet Jijuj Kraij, a koe pan mauri ta."

J. Ari tatuen kamealele Jijuj Kraij?

N. Nan kitail pan pamok ki me tip atail mia. Je jota pan kamam, intin ta nan jota tip at. Ari je jota pan tiki-tik ki tip at, pue nan mealel tip at me lapalap.

J. Tatuen tip at me lapalap? I aja nan kame la aramaj, o nenek, o lipirap me juit kaulap, ari i me I kaje lar maj o.

I jota kin uia mo. I kin ian alar lamalam. I kin palikir ran jarau, o uia kapakap, o kaul, o kaparok. Tatuen tip ai me lapalap?

N. Nan Jijuj majani me kitail ki la nan kupur atail lamalam juit nan tip atail mia tue ta atail lamalam juit me puai tar. Ma kitail kailok ki aramaj, a men kame la, nan i me raj on kame la aramaj. Ma ol, te li, inonion uia nenek, nan i tue ta nenek. Ma kitail inonion uia meakot juit, nau i tue ta atail lamalam juit a puai tar. Ari tatuen Jijuj majani jen ter noroka kapuan jappa, pue atail noroka en meamen a kapua me raj on atail pirap ajon a kapua. Ari tatuen Jijuj pil majani kitail en ter momot omal, kitail en porijok uia atail totok mau, o kitail en ter momot oki a majan? Ari tatuen Jijuj pil majani kitail en lolepote la Kot, kitail en ter lolepote la meakot. jappa? Ari tatue, koe kin uia en Kot a majan karoj? Koe kin lolepote la Kot,

o tikitik ki kapuan jappa, o koe jota kin makar amal o li-panete, on linaranar ape?

J. Nan I apton tiar ata me nan mealel tip ai me lapa-lap, pue lamalam juit me kalaimun nan kapet I. Ari ta me I pan uia pue tip ai en jora jon?

N. A iet me ko pan uia, ko pan jakara ki tan Jijuj tip om me neter, Jijuj ari pan kot en lapua ta tip om, o en kap-on lol on uk. Iet en Mijineri a patak. Nan mealel tip atail me neter, ari me kitail injino ki mealel tip atail, o jota aka-mauon Jijuj, a en akajuiti on, nan Jijuj me pan tom oki tip atail, o koko ue jon nan kupur et tip atail; kitail ari pan peren eki ta en Kot a pan jolar onion pa tail, pue ki en Jijuj a tom.

J. Ta en Jijuj a tom?

N. Nan Kot me onion pan aramaj karoj, pue ki tip atail me lapalap, a pan kot en kame la kitail karuj ia, Jijuj ari me koti ton jappa, uia aramaj ala, o mat ala puen mat kin kitail la. Ari aramaj karoj me tuki on Jijuj nan Kot me pan jolar onion pa tail komekome kitail la, pue ki Jijuj me ua komokom at ni a lonolon nin lopu o.

J. A Kot jo pan kupura maui aramaj karoj me tuki on Jijuj, pue ki Jijuj me mat aki la tip arail?


N. Ei. Karoj me pojon la Jijuj nan Kot me pan kaponlol on irail pue ki Jijuj me tom oki tip arail, Jijuj ari pan ira ue jon tip arail, ir ari pan peren eki ta pan kupuran Jam arail, ari me jo tuki on Jijuj Kot me pan onioni, pue tip arail jota pan lapua ta, ir ari pan koma ki la tip arail nan uaja uairok.

J. I kamealele kaualap patak en ranuet. Kita ari en panapanau men Ponape karoj re en pitipit apuali Jijuj, pue tip arail en ira ue jon irail, o Kot en kot en kupura maui irail.

XXIII IRA.

ki li
o ta
tak e pa
im ui la
mok it
jou lon

ai lep a
ja ka tuk
maur a ta
kot i to
paur a ta
kok kok on



KAJOI EN TIN ARAMAJ.

Nar! Iet momuin tin aramaj amen.

Aramaj lao me lar, kil i, o utuk a, kin mata jon, ti ota kin mimia ta. Komail jaki tuen ti kan ar kokkokon pena, me tiak apual. Ari, ij me kak on uia ta aramaj? Kot eta. Ari, ta, jo imuilan aramaj? Aramaj me lar jo uj ar? Aramaj me lar uj ar mia, pue aramaj utan me maur eta koko la ta. Takepan nen it uar at, nen ari ko jon er takepa uara ap jolar mokomokit, o kan uaja. Uar at, o nen it, pan pura pena, pata pena, uia aramaj maur amen. Pue ti tail utan paur ata, maur ata ni eu jap. Jijuj pan koti to kamauria ta me me lar karoj. Joulon pan paur

ata maj ian Jijuj piri ta la nalon, a me jo ian alar la-
 malam ap pan paur ata mur. Kitail karoj pan maur ata
 jota meamen pan ruki jon. Joulon karoj pan maur ata
 pira ta lan ni ailepan maur; maur jakatuk. A me rotorot
 akan pan pil maur ata lokotok olan ailepan mela; mela
 jakatuk.

XXIV IRA.

Tuen me intinie ti tuen Jijuj. Matu, o Mak, o Luk, o
 Jon.

MATU.

Nan Matu me pil mmар aniki Lipai, i ari me nain Alpioj,
 o amen Meri, ri en in en Jijuj. I me joun kaiak amen māj.
 Nar Mat 9: 9. Tena a intini er a kijilikau murin Jijuj ipui
 tar 63. Je jaja tuen a uia ta muri.

MAK.

Nan kaitin Apoјtel amen Mak, i me nain amen Meri me
 mimi Jirujalem me kin katak on joulon. Nar Uiauia
 12: 12. In a me en Parnapaj ri a li. Mak me ian Parna-
 paj i Pol ko ki jili en Jijuj a majan. Nar Uiauia 13: 5.
 Mmar e me Jon Mak. A pil mimi ren Pol ni a jenjel
 Rom, tena i uaja a intini er a kijilikau murin Jijuj ipui tar
 63 te 64.

LUK.

Nan Luk me pil jota Apoјtel amen, ari tena a uaroki on
 irail, o me pil amen meapuki ri ak me Nen Jaraui popi ti
 on po ar. Nar Uiauia 1: 15, 12: 3. I me pil uaroki on
 Pol, ari tena a likailap ala ni tokan a ian Pol kakan jili jap
 akan. I me joun kaueue men Jirujalem, pil joun uini
 men; mmар e me Lujiaj. Nar Uiauia 13: 1.

Nan a intini lan a kijilikau karoj Tiopolij, kompoke men ; ol lelapok, o kapuapua, me mimi nan uai. Tena a uia ta intin murin Jijuj 65. Nan a me lar Akaia, ni a likailap ala par 84 tau po a.

JON.

Nan Jon me kompoken Jijuj ; i me nain Jepeti i Jelom. Jijuj me uk Jon, i Pita, o Jemej puen ututial a kamaura ta nain Jairoj na jeripen. Nar Luk 8: 51, o Mak 5: 37 ; o puen pil utial a kot en toror ota Mat 17: 1, o pil Mak 9: 2, o puen pil ian i ni motauel en Ketjemeni, Mat 26: 36-45, o Mak 14: 32-42. Murin Jijuj a kamata lar Jon me in aniki Meri, in en Jijuj, o mimi re a Jirujalem a lao jipal lar, murin Jijuj a koti ta lar par 15, a Jon ap ko ki lan nan uai majan en Jijuj. Ni tokan a likailap ala moujap en Rom Tomitian Jija, majani Jon en paji ti on nin kijin toka eu Patmoj. Monjap o lao oni lar, nan Jon me puro ton Epijoj mimi ta uaja o a lao jipal lar, ni par opuki tau po a. Tena jon eta ren Apojtel ako me pen mela ; me teko karoj me komokom olar. Tena Jon me intini er a kijilikau ni a mimi Epijoj, murin Jijuj 97.

Ni a likailap ala nan a jota kak apa uia kaparok rairai, ari ran en japat karoj i me itan lan uan pokon eu joulon, intai on irail "Jeri puelei kai komail en 'pokapoka pena." Ion a kai peitok re a, "Main, menta omui pur on uia kaparok taiu ran en jonti karoj?" A japon, "Pueki ie me Jijuj kot en majani on kitail, a me komail uiaua met, ari; omail uiaua karoj pan mau.

XXV IRA.

EN JIJUJ A IAJA TAR.

Nan Jijuj me kamata lar ran en Peraiti, ari ninjoutik en ran o, ion a kai me kiti jon nin lopu uar a, jari ti on nin



joujou kap eu, me aramaj ueira ta maj nan paip alap. Nan arail ran en Japat me atail ran en Jatorti, ari ninjoran en Japat li akai me jankanai *ton* joujou o. Nan irail me Meri Maktelin, o Meri in en Jijuj, o Meri in en Jemej, i Jutaj, me pil mmarr aniki Tatij, o Lepioj. Nan ië Meri me pil ri en Meri in en Jijuj. O en Jepeti a paut Jelom, o en Juja a paut Joana, o pil akai li me ian irail. Re ko *ton nar* joujou o, o puen pil keieki Jijuj. Ni arail uet nani al re kajakajoi pena “Ij me pan kijon takai laut me pina la joujou o.” Re lao lel er re tiar ata nan takai me ko jon er, pue maj o tounlon amen me ko ti to jon nalon, ki jon er takai o, ap monti *on* po a, ari jilepa ka me majapuek kaualap. Li kai lao tiar ata nan takai me ko jon er, Meri Maktelin me *tan auan* Jirujalem puen kaire ki Apojtel aka. Ni a jom olar li teko me petelon *on* joujou o, tiar ata tounlon ria men, me majani *on* ir re en ko la kaire ki Apojtel oko nan Jijuj me iaja tar. Irail me *matan* aue; ari tena re uet ni apot al, o jota tu *on* Meri Maktelin. Pita i Jon me *tan aton* joujou o, ari Meri Maktelin me itauen ira to. Ira lao nar ata nan Jijuj jo uor mia, ira pur aue. Meri ari mimi ta uaja o, ap nar ata tounlon ria men me pur aki *ton* maj li teko, o Jijuj me pil pen kajale *tan* Meri. Kotekote

o Jijuj me pil pen kajale on li teko ni arail uet nani al, tena re pan pil puri ton joujou o.

EN JIJUJ A PEN KAJALE TA MURIN A IAJA TAR.

1. Meri Maktelin. Jon 20: 14. Mak 16: 9.
2. Li teko. Mat 28: 9.
3. Pita. Luk 24: 34.
4. Joulon ria men, ni ara uet nani al ko lan Emeoj. Luk 24: 13-32.
5. Ni ran ota, nipon, ni Apojtel ako me pokon apena, Tomaj ari me jota ian irail. Luk 24: 36. Jon 20: 19.
6. Eu japat lao ko to ni arail pokon apena, a Tomaj me pil ian irail. Jon 20: 24-29.
7. Nan Kalili, liman len Taipiroj, akai me pan ko lan lait. Jon 21: 14.
8. Apojtel ako nin nanan Kalili. Mat 28: 16.
9. Joulon lima puki. 1 Cor. 15: 6.
10. Apojtel ako. 1 Cor. 15: 7, tena a ieian irail ran toto joa ni ran pa naul me a kotikot jappa murin a iaja tar.
11. Jemej. 1 Cor. 15: 7.
12. Apojtel ako ni a peuk ata la. Luk 24: 50. Uiauia 1: 9, 10.

EN JIJUJ A PEUK ATA LA.

1. Ran pa naul murin a iaja tar. Uiauia 1: 3.
2. Joa nin nana Olip, a koreni Peteni. Luk 24: 50. Uiauia 1: 12.
3. Apojtel ek amen me ututial. Luk 24: 50. Uiauia 1: 9, 10.
4. Nan palin tapuok me karira jon ir i, i ari me kotita lan nalon. Luk 24: 51. Uiauia 1: 9, 10.

XXVI IRA.

NANA KAI.

Jainai, nana *neter* nanapon en Ijip o Kenan. Orep, kijan Jainai me Kot ki *on* ia Mojej a kujenot ejok.

Jir, nain Ija.

Or, kijan Jir, me Aron mela, jari ti *on* ia, murin arail ko la jon Ijip par 40. Kilpoa, me Jol i Jonaton kama ki la mauna.

Nipo, Pijka, o Aperim, pon anin Jeriko, palilan Jortan, ari Mojej me ko ta lan Pijka puen ututial Kenan.

Lipenoj, nana *neter* me pali spon en Kenan, me Jolomon ki jon ia jita, men uia ki im jaraui, Ermon.

Karmel, Ilaija o joumaro en Peal 450 me jonojon pena. Ipal.

Kiliat.

Moraia, me Epeream ka lu uan ia Aijak puen ijik ia, o muri Jolomon me kau ia im jaraui. Kerijim, me im en kautok en Jameria kau ia. Olipet, me pali majenlon en Jirujalem me ira pajon pil Kitron. Nan koman Olipet me jilu, eu Ketjemeni, eu Petani, eu Petpej.

XXVII IRA.

IMUIN PUK.

Iet kaponepan omail uiaua ka, me I pan ki *on* komail imuin omail Puk en Kajoi.

1. Iet tapi, kaponepan mairi la. Nan mair kalik me mau, pue ma kitail jo mair mau nan je jota pan kelail. Ari iet.

Ni ran uet ko en porijok uia mau,
Ari om mair niapon pan pil mau.

Komail ari en peiki on kaponepa iet, ari komail pan mair kalik ia.

2. A iet ari en kaponepa.

Ko ter kajau on lakop
Me akak apa om uia ranuet.

Akai kin momot omal impan arail totok intinta. "I jota inozi on totok ranuet, I pan uia lakop." Ari me juit. Pue ta! Kitail aja me je pan kono ti lakop? Nan je jota man aja me je pan mia lakop, o me pan pit kitail lakop. Ari ma kitail lel auan lakop nan totok en lakop pan mia. Kitail ari en porijok uia totok ranuet.

3. A iet ejil en kaponepa. Tuen ko men aramaj en uiiai on uk, I me ko en uiiai on ir.

Ma kitail karuj ia peiki on met, nan jappa et pan mau lar kaualap. Pue nan makar amal, o linaranar, o lipanet ape, jota pan mia.

4. Ari iet kaponepa kajalel ia me I nikinik puen im ki la puk uet. Mak komail karoj en ki la nan kupur omail, o peiki on kaualap. Ko en pok oki Poet Kot nankapetim, o nen om, o kel im, o lamalam; o pok on aramaj tue ta pen uk.

PUK EN PEITOK.

I IRA.

KOT.

1. Ta Kot?

Nen eu Kot. Ani Lapalap.

2. Ij me tapia ta Kot?

Jo. Pue jota tapi, pil jota imui. A pen kin mimia ta
tuetue ta koko la.

3. Ia uaja Kot kin kokikot ia ?

Kot me kin kotikot nalon, pil uaja karoj.

4. Ia uaja Kot kin mamajani ?

Kot kin mamajani uaja karoj.

5. Kot kin majani armaj niran te nipon ?

Niran o nipon.

6. Ia uaja aramaj kin ruki jon ia Kot ?

Jo. Jota me kin ruki jon Kot.

7. Aramaj eta me Kot pan kapon ki ?

Me kin apapali a majan.

8. Ij aramaj me Kot pan kailon ki ?

Me kaue la a majan.

II IRA.

JIJUJ KRAIJ.

1. Ij me Jijuj Kraij?

Jijuj me nain Kot, pil i me Kot.

2. Ia uaja Jijuj me kotikot ia nin tapi o?

Jijuj me kotikot nalon; i me ian Kot tapia ta kaua.

3. Ia tuen tiak en a par ata nin tol en jappa?

A likit malie la a linan Parataij, par ata nan kapetin li
amen ipui ti, uia aramaj ala.

4. Ta me Jijuj aramaj aki la? Puen kak apa tiki ti rau
tail.

5. Ta me Jijuj jo uiani ki ko to on jappa?

Ari ma a jon en ani a jota pan kak apa en mat ala.

6. Ij at en in en Jijuj?

Meri.

7. Jap eta me Jijuj ipui ta ia?

Jutia.

8. Uei en ij Jutia?

Uein Erot.

9. Jounipar tapa me Jijuj uia aramaj aki jappa?

Jili naul jilu.

10. Ia tuen Jijuj me uia ni a kotikot jappa et?

A joun pataki aramaj, pil kajale ta a manaman.

11. Manaman ta me Jijuj uia ta?

A kakela ta me jomau, o kamaura ta me me lar, o kapat
apajon maj en me maja kun, o kauj aue jon tepil, o kalala
ta me lo ton, o kauajok apajon me jalona pon.

12. Ta me aramaj en Jutia kailon kin Jijuj?

Pueki irail me lamalam juit.

13. Ta me re uiai on Jijuj?

Re kamata lai.

14. Tatuen ar kamata la ?

Re pajur on i nin lopu.

15. Ia mmaren monjap ria men me kamata la Jijuj ?

Pailot, i Erot.

16. Ran ta en Jijuj a mat aki la ?

Ran en Peraiti.

17. Kelok tapa en Jijuj a lonolon nin lopu ?

Kelok jilu.

18. Ij me jarapi ti kalepan Jijuj ?

Nikotimoj i Jojep.

19. Pon tapa en Jijuj a koti ki nin joujou o ?

20. Pon jili pon.

Ran ta me Jijuj iaja ta ? Ran en japat.

21. Ran tapa me Jijuj kotikot jappa et murin a iaja ta ?

Ran pa naul.

22. Ia uaja a koti la ia muri ?

A kot en pur ata la nalon ren Jam a.

23. Ta me Jijuj kin kot en uiauia nalon ?

A kin kot en kaonopa ta teun me apapuali i. Jon 14: 2.

III IRA.

PARATAIJ.

1. Ia uaja jeri en Kot pan ko on ia murin arail mela ?

Re pan ko ta la nalon nan Parataij.

2. Ij me uein eki Parataij ?

Kot.

3. Ij me toun Parataij ?

Tounlon me Kot uia ta maj o, o pil joulon me jipal lar
jon jappa et, o pil jeri puelel karoj me jipal lar.

4. Ta me toun Parataij kin uiauia ?

Irail me ani en katar akai, re pil kapakapina Kot.

5. Tatuen arail peren ?

Re kin pereperen ta koko la.

6. Ta me re pereni ki ta ?

Re pereni ki ta nan jota me juit mimi re irail; jolar jomau, o matok, pil jolar tip arail. Re pil pereni ki ta arail mimi ren jam arail Kot, o ri arail Jijuj. Kot me kin kot en kaperen irail lar.

7. Ta me kamaraini Parataij ?

Jijuj.

8. Ij aramaj pan ko ta lan Parataij ?

Me apuali Jijuj nan maur et, pueki Jijuj me kajore ti jon tip arail.

9. Jeri en Kot pan ko ta lan Parataij iat ?

Re lao mela nen arail pan matan auan Parataij, a uar arail pan uonon nin joujon lao ran en nituil, rap pan pauri ta uar akap, nen ap pan pur on loli, re pan it uia aramaj ala koko la. Nan re jota pan men mone ta, o pil jota pan men nimpili ta; katipin jota pan karone irail la, ari Jijuj me pan kamakamona irail, a pan kot en kalu uan irail nin tapin pil amaur, a Kot pan limuia jon pil en maj arail.

10. Tatuen arail lolokon? Rev. 7: 17.

Nan re pan lolokon kaualap.

11. Tatuen arail uia juit ?

Jolar. Jota man me juit pan pat on irail.

12. Toun Parataij jo pan jori ti ?

Jo. Re pan tuetue ta koko la.

IV IRA.

JETAN.

1. Ij me joumaje ani juit akan ?

Tepil.

2. Ia tuen tapin Tepil?

Nan Tepil me tapi ta mau pue Kot me uia ta i ani mau, ari lamalam juit me pit nan kapeti pue a men kajapuili ta mon Kot.

3. A mimi ta ia maj o?

A mimi maj nan Parataij, ap kapia ue jon Kot toun Parataij akai.

4. A ko on ia murin a uia juit?

Kot me jikon ti lan len kijinia i o ion a akan.

5. Tepil me jo purepure jappa et?

Ei. Kot me kot en inirok ki i en koko jili jappa et puen jonojon aramaj.

6. Tatuen me tuki on Tepil?

Me tuki on Tepil lao mela re pan ko ti lan jap ue.

7. Ia tuen imuin Tepil?

Jappa et lao niki la i me pan jalie ti on nan len kijinia i.

8. Ia atan jap Jetan me kin jap aniki?

El.

9. Ia tuen jap o?

Nan El jap me juit kaualap. Nan ie len kijinia i.

10. Ij me pan lokotok olan El?

Jetan, o toun nalon kan me tuki on i maj o, o toun jappa me tuki on i.

11. Ta me toun El uiaua?

Nan re kin uiriur iki arail matok, o pei, o uia juit nan pon-arail.

12. Toun El me pan ko jon teu rail iat?

Jota. Re pan paji ti on uajao koko la jo tuk.

13. Arail komokon jo pan imuijok olar?

Jo. Re pan tataur ata ar komokom o ari.

V IRA.

EN KOT A KOT EN UIA TA.

1. Ij me kauje ta tipejo karoj ?

Kot.

2. Ij me tapia ta Kot ?

Jo, pue jota tapi.

3. Ta me Kot uia ki ta kapua karoj ?

Jo. A majan ta me a uia ki ta.

4. Ran tapa en Kot a kot en uia ta kapua karoj ?

Ran uonu.

5. Ran ta me Kot uia ta aramaj ?

Aon en ran.

6. Aramaj tapa me Kot uia ta ?

Ol amen me at aniki Atam o li amen me at aniki Ip.

7. Menta Kot uia ta kapua karoj ?

Puen kalizana ki i.

8. Ia tuen kapua karoj me Kot uia ta ?

Karoj me kajalel kaulalap.

9. Ta me kaue la en Kot a kapua mau ?

Tip me kaue la ; tip en ani juit, o tip en aramaj.

VI IRA.

TIP.

1. Ij me Tapia ta Tip ?

Tepil, ni a mimi Parataij ap men kajapuili ta mon Kot.

2. Ij me tapia ta tip en aramaj ?

Pen irail.

3. Menia tip me tapia ta tip en aramaj ?

En papaut o, ara ale uan tuka jarau me tapia ta tip en aramaj.

4. Ij me inapuia jon ira uan tuka ko ?

Kot.

5. Ij me kainonon ira, ira en ale ?

Tepil.

6. Aramaj karoj me jo tiki ta juit?

Ei, pue kitail karoj me katautokan papaut o.

7. Aramaj karoj me jo pil pen uia tip ?

Ei. Jota man meamen me jo uia juit.

8. Ta pain en tip?

Mela, o uaja uairok me pain en tip.

VII IRA.

TOM EN ARAMAJ.

1. Ij me pan tom oki tip en ani juit akan ?

Jota me pan tom oki tip arail.

2. Ij me kin tom oki tip en aramaj ?

Jijuj nain Kot.

3. Ta me Jijuj uia ta puen tom oki aramaj ?

I me koti ti on ki jappa et, nain aki uaran aramaj, puen aramaj ala, ap mat kin kitail la pon lopu.

4. Ij aramaj me Jijuj pan tom oki tip ar ?

Aramaj karoj me injino ki mealel tip arail.

5. Ia tuen me jota injinjino ki tip arail ?

Jo, jota me pan tom oki.

6. Ta me pan kare ta en Jijuj a kot en tomotom oki tip atail ?

Atail uia kapakap mealel. Ma kitail jakara ki tan Jijuj tip atail, nan a pan kot oki jon kitail.

VIII IRA.

TUEN POJON JIJUJ.

1. Ij aramaj me pan ko ta lan Parataij ?

Me apuali Jijuj.

2. Ia tuen apuali Jijuj ; ta me kitail pan uia pue kitail
en apuali Jijuj ?

Nan nankapet at pan uikitoki lar.

3. Ia tuen nankapet at pan uikitoki lar ?

Lamalam juit me pan ko jon, a lamalam mau pan uilian
ti ko on.

4. Tatuen tip atail me kitail uia ta maj o ?

Ja Jijuj me pan tom oki aki atail injinjino ki tar, o jakara
ki tan i.

5. A pan kak apat pen uiki ta la kapet at, te jo ?

Jo. Kot me pan uiaua kitail.

6. Ta me pan kare ta Kot en kauilikapui nan kapet at ?

Atail kapakap ; atail injinjino ki tip atail.



